


山陽遺稿 詩 五

柳田文庫

文庫11

A 1155

5



文庫 11  
A 1155  
5

山陽遺稿卷之一

賴襄 子成著

丙戌

元日

曉光明暗動窻櫺。昏入新年微雨中。九陌輕肥各人事。一  
園梅柳自春風。無情霜更添鬢白。有力酒能回頰紅。卻笑  
妻兒修禮俗。辛盤聊與四鄰同。

觀梅翌日作

昨遊陳跡夢闌殘。酒醒窻白曉光寒。唯有折來梅現在。一  
枝著意插瓶看。

卷一

柳田泉文集

柳田泉文集

再觀梅伏水

再理吟筇出郭來。料知香雪五分開。脚跟不到權門闕。卻為梅花走兩回。

梁伯兔歸濃過京留之數日

歸心雖急未須還。卸擔京城春正闌。閣雨春雲如卵色。養花幾日與君看。

讀玄宗紀

明皇初執郭元振、用振威刑、而後來安祿山敗軍、不誅、是開天治亂大分也。

代公頸上凜霜鋒。燾影飄風殺氣濃。黃鉞佗年藏那處。曾無屠割到豬龍。

秋仲同春琴春村遊嵯峨宿三家店

擬向嵐山看月明。侵蹊秋草少人行。春來腕管嬌絃地。半是蟲聲半水聲。

十三夕

繞欄秋漲尺來多。病盡其如風露何。來月捕魚誰氏子。幾回舉網澆金波。

中秋前後連夜無月

咄咄銀蟾奈汝何。秋雲黏水逐宵多。作意呼燈又呼酒。向吾掌上起金波。

茶三首

竹鼎沙餅從喚呼。愛看魚眼濺為珠。卅年嘗盡人間味。獨

有心情向酪奴  
採時空及旗槍際煮候當論老嫌間最愛風爐火紅處恍  
聞蟬語過秋山

內藤士謙將發招吾夫妻畱別於樵巷時有斛種丹  
桂來供者分桂子天香句得子字

盆栽秋桂丹杯泛暮山紫離席豈佗人佳招攜內子紅塵  
君已歸青眼誰相視咲指階前水交情長若此

席上內子作蘭戲題贈士謙

荆釵藜杖接清歡夫作崢嶸妻作蘭渠瘦儂頑誰可愛一  
家風味與君看

哭妹

忽得凶音讀復疑秋前猶有寄兄詞形容自覺倍枯槁老  
樹相連唯一枝

今津某氏園栽牡丹索詩

槿籬護得牡丹芽不是尋常百姓家咲咲柴桑春寂莫唯  
鋤三逕種秋花

田圃寧無富貴花一稜金粉映桑麻要看人世真黃紫不  
在洛陽姚魏家

○醉杜園

熊兒前扶驥子後。緝女捉燭埃門久。天吳紫鳳本顛倒。醉

眼何辨孰身首。任它布衾冷如鐵。老腳今夜蹋欲裂。臣甫  
得爲醉眠人。可忍至尊尚蒙塵。

○昌黎像

筆底江河走蛟龍。龍文之鼎力能扛。手築孤壘連鄒嶧。身  
當二氏百萬敵。元濟庭湊等嬰兒。搯吭關口本優爲。慢膚  
大腹面渥丹。非是江南夜宴韓。渾噩姚姒溢眉宇。二十八  
宿照萬古。安囑畫工更傳神。爲佗被髮騎麒麟。

○東坡贊

金甌缺陷東北角。天將秀氣鍾巴蜀。腹蓄大峨雪。陸離流  
爲長江萬屈曲。光芒自堪雄百代。不惜一枝金蓮燭。大海  
長風拂疎髯。咲看狂濤浴天蟾。久矣人間倦遊戲。磨蝎蠶  
叢兩夢甜。拂衣而逝呼不答。英魄寧爲群兒繫。長留嬉笑  
怒罵痕。咳唾滿地任人拾。

放翁贊

傾盡眉州紅玻璃。萬里霜蹄託醉思。歷歷散關與渭水。空  
使戰雲生研池。浙水春風豈不好。回首永昌陵上草。中州  
英靈誰主張。漫使范揚伍此老。老眼耐視小朝廷。矮紙斜  
行向窻晴。恨不使君橫槩大河北。僕役李汾與劉迎。

寓居正對東山諸峯詠懷古跡七首

其一

萬箭刺河漢。盪摩雙日光。野腥龍戰敗。原暗鹿奔亡。華萼  
庭闈亂。戈鋌天地荒。傷心如意岳。夢卜墮蒼茫。

其二

曦影動崔嵬。先鞭誰得回。仇讎覆巢盡。信越建瓴來。虎鬪  
成人利。猴冠亦霸才。可憐雕不逝。一蹶壯圖傾。

其三

旌旗凋不颺。良岳日將沈。蹉跌復京志。蕭條趨越心。鑿輿  
南北圻。鐵馬雪霜深。仰止英雄恨。茫茫一整襟。

其四

勤王兵可撤。運餉豈無途。天子心腸薄。將軍筋骨枯。曾塗

五宗血。難挽六龍祖。一詔猶哀痛。殘雲護鳳雛。

其五

定霸唯三萬。煙塵來自東。指揮無甸衛。部曲盡英雄。戈戟  
荆榛豁。旌旗日月紅。伯符先入洛。志業意難終。

其六

諸侯盡蕭伏。七道合瓜分。戰伐從心算。飛騰兆掌紋。獼猴  
曾掠國。豚犬豈承勳。唯見雞林餞。蓬蒿有獨墳。

其七

竟跋狼無患。蟄飛龍有雲。牲書齊五命。鞭頭晉三軍。烏止  
於誰屋。民僕獨此君。獻俘猶在眼。駟介簇湖濱。

文房七詠

初冬夜讀書偶見餅花嫣然可愛為作詩顧瓶側  
諸物皆習使令者不可無詩遂各贈六句

花瓶 古銅磨樣

讀書過丙夜燈梳油未竭照看餅中花燈影明半頰會心  
時一顧渠亦開咲靨

硯 紫質綠眼形為海龍

一研二十年曾伴我修史同吾閱興亡墨綉在肌理所慙  
不疇勞日給數勺水

水滴 三足蟾蜍

研傍銅蟾蜍瞪目缺一足蹇蹇恰如我世路寧堪躡吐吞  
萬斛泉脣吻成古綠

鎮紙 水晶躡蟻

水精彫躡蟻故人曾贈余不伍龍熊羆妄想久已除蟾屈  
明素心祇應鎮我書

研山 豫產

兩峯如削成一峯懸欲墜拳大具洞壑時見吐雲氣誰知  
研池側迤邐南海翠

筆洗 蠻物古銅含師所贈

高僧輟銅鉢花紋翠穿骨使我中書君覆心沐其髮問汝

盛庚癸何如黑波凸

畫卷 明王嶼江南春曉圖

一幅小江南橫披畫春曉桃花千萬株睨視紅未了此中可逃世誰言尺縑小

謝伊丹原生贈酒

乙酉之夏丹人介生索書餉兩大尊余寄其一欲及竭取之已而有

播之行歸途馳書促取會運和相載而東纔得殘餘生周旋甚勤  
丹陵有佳友兩尊潤吾筆窮人愧大豐偏取寄其一幾句  
饜侯醴家蠱竭不恤歸路先馳書此時已甯采陳醞盡輸  
東新醪蓄未出臘槽壓庚癸春甕蓋丙戌譬如函秦甲空  
國擊甌越亦如長平民其孤未燥髮苦乞出祕藏為我屢

屈膝新募發閣左歷敲七十室大尊如正兵堂堂遲幾日  
別餉一小瓶奇騎貴急疾圍城望援旌枯魚兔酒輟得書  
方長至呼錯回暖律一滴如劍戈四面凌冰雪滌醇見君  
情鳴謝豈無述

大和遊仙詞

扶桑葉間金鳥躍一葉陰蔽赤縣國四百餘州夢未醒群  
仙卯飲看海色大甌小甌炊瑞穗指姬釀酒神皆醉三郎  
為釣棘鬣魚鬣掀春潮飛萬珠遙知阿政眼欲眩徐福船  
帆低不見

阿鯤草書詞



蠓怒目適無媚，應是螺贏負螟蛉。細聽如聞類我聲，蟬抱  
蓮房戀墜粉。知倚冷露潤喉吻，飛翾蠕動天機同。一幅生  
意毫末中，展向晴窗娛吾目。不省吾亦爲裸蟲。

題富岳圖戲翻秋玉山先生詩蓋謂在我邦人當言  
如此

帝掬芙蓉雪，置之赤縣西。凝作崑崙山，敢欲較高低。

又

帝掬芙蓉雪，拋作崑崙山。雪汁卽黃河，卻向東海還。

孟母斷機圖

息吾嘔軋獎吾咿墜緒茫茫在這兒，誰道七篇經緯業不

由阿母手中絲

寒拾

曾攜一帚出人間，浩劫塵埃欲掃難。不識自家機已漏，卻  
將饒舌罵豐干。

墨牡丹

興慶春深醉阿瞞，晴烘金粉露初乾。萬蹄捲地東風惡，吹  
黑天香玉一攔。

莊子夢蝶

胡蝶莊周孰是非，枉齊物我費心機。不知此夢終無覺，趁  
絮穿花隨意飛。

詩佛老人竹

天民爲竹若爲詩妙處天成不自知不論胸裡無成竹醉  
毫到紙一枝枝

画山水

航浮秋水人三兩僕買村醪路熟生怕渠失卻停篙處移  
向柳陰缺處橫

又

眼裏古人無數腕閒秋兔一枝點葉樹身小米著皴山骨  
大癡

又

紅塵紫陌無夢黃葉青山有家迎客撥書容坐遣童汲水  
煮茶

又

大點濺濺小點沈險處到紙惜如金千年爭擬糊塗筆誰  
會南宮用墨心

題自画山水

紙筆寧追畫匠群研池剩墨愛清氛撐腸書卷爲何用結  
作蓬蓬幾幅雲

黃樹青林對小欄最佳山紫水明間吾家卻欠丹將碧水  
墨唯描一色山

石榴芙蓉合圖

經霜敲破水精粒，映水枝堆蜀錦窠。老木憐秋冷淡，此中富貴奈多何。

復月作畫併題贈承弼

老樹陰中溪水鳴，隔樹溪光晚倍明。安得清涼如此境，蕉衫藤杖伴君行。

從弟壽寄木雍小幅山水索詩

雲煙半縑闊一尺，尺書併寄索題墨。展看紅塵十丈裡，眼明認是鄉山碧。酷似繪波山前路，潮落漁村跳可渡。又似北城水竹鄉，明星寺在水一方。何時携蛤燒蘆葦，何時呼

渡立沙尾，自是不歸歸便得。聯騎款段會有日。

題海棠白頭翁為從弟

相呼白頂映花枝，吹老東風也不知。記取故園春好在，暮年定有聚頭時。

詩僧希鈍周忌詣其墓

瘦骨飄蕭尚宛然，風輪不住忽周年。霜紅已敗池中樹，落葉邊尋浪磈。

子慎信侯各歸其鄉時余刪改舊著外史方成

儒餐鮭菜共酸甘，別路驪歌各北南。廿歲殺青書纔就，一宵浮白酒方酣。合離朋友繫吟夢，興廢英雄供醉談。緒業

正憑諸子在燈前愁指髮毵毵

山陽遺稿卷之一 畢

山陽遺稿卷之二

賴襄子成著

丁亥

元日

通衢車騎客駢闐負郭門庭柳起烟料峭春風簷馬曉糝  
糊臘雪紙為天青陽又閱王正月白髮終成我暮年自笑  
清狂猶似舊觀梅有約欲周旋

元日六言

曆改五更三點歲逢二首六身賀春窮巷無客几上梅花  
獨新

題劍稜主人茶籃主人不解飲

梨花蕉葉無分石鼎風爐可娛家有青州從事翻然嬖使  
酪奴

題畫

南垞北垞春雨足。隔水青山如沐浴。知得江水長魚苗。江  
亭誰與傾春醪。日暄東風吹江皺。柳色未如水色綠。

詠史

帶霜旌旆自東還。頓覺群兒肝膽寒。屈指英雄存碩果。回  
頭海宇斂狂瀾。馬貞終得黃裳吉。狼跋何傷赤舄安。休道  
西人謀大錯。天教介冑換衣冠。

京寓迎杏坪翁賦呈

叔每甘忙侄媿閒。相迎無物解歡顏。十旬投足鶯花海。廿  
歲埋頭案牘山。訪勝每論晴雨外。話情多在醉醒間。紅殘  
又及課耕節。西顧愁君俄欲還。

奉母及叔父遊嵐山

春蟾無魄吐瓊華。閏歲山櫻勉較些。幾片香雲明夜峽。十  
分月色五分花。

嵐山峽口第三家。三度侍輿來看花。花已依然母無恙。慈  
顏紅映幾重霞。

小阮吟詩大阮眠。同澆磊魄共陶然。一瓢已倒春宵短。花

壓溪窻月在天。

遂奉遊芳埜

前度尋春花已闌。今來暖雪照入顏。十年纔補平生缺。奉  
母重遊芳埜山。

侍輿下阪步遲遲。鶯語花香帶別離。母已七旬兒半百。此  
山重到定何時。

疊疊春山別有天。花開花落鎮依然。可憐萬樹香雲暖。曾  
護南朝五十年。

藏王堂感大塔皇子而作。錦幟東風草木馨。崎嶇幹蠱見威靈。天關養虎書難達。土

窟屠龍血已腥。萬里長城壞。宗子百升明月逼。前星滿朝  
簪笏衣非白。誰為君王言建寧。

談峰

回合岡巒氣勢騰。輝煌金碧廟廊層。風雲一體君臣業。山  
背誰諳天智陵。

○過南都般若寺大塔皇子所匿也二首

門題般若寺猶存。猶憶延秋避賊奔。貝葉應為雲五色。眩  
迷肉眼護龍孫。

土窟雲腥日蔽明。付刀賊手斫雄城。收來六十餘州鏡。大  
錯如斯打不成。

唐羅紹威自嬰其牙兵後悔之日盡  
收六州四十三縣鏡打此大錯不成

全家奉母及叔父遊江州諸勝由志賀越

澗流泱泱鳥聲低山翠迎人幾曲齊不似逢關闕下路避  
牛避馬踏新泥

奉母閑遊盡挈家後先奴婢啾啾擇孫同載板輿裡露  
面與窗喚阿爺

牧牛兒圖

六朝草色夕陽殘一笛風聲昨雨乾龍蟠虎踞山河固孰  
與吾儂牛背安

蕪小圖

西泠柳色翠模糊得佳人家姓蕪何料嬌名戲不了卻

遺畫手寫為圖

○畫山

青山一座翠沈沈萬態浮雲自古今橫側任它人眼視為  
峯為嶺本無心

寄題備後神宮寺寺和氣清磨妙法鈎尼所建

法燈何獨照千春阿耨擎天挽日輪不似李家歸異姓卻  
由煮粥焚鬚人唐李勣事

劍稜主人來京旅次無酒可飲乞余所蓄余所蓄即  
其所贈也戲贈之

君家釀萬石不救今日渴豈無京酒餘甜濁欠香辣向我

乞一瓶拜手語茁軋吾酒君所贈清勁如劍拔他人不分  
勺敢不補君闕呼妻取於罍瓶溢金波凸到家猶兩宿丁  
寧戒擔卒神龍未及水尺寸難自達涓滴乞於魚魚本待  
龍沽猶望歸汝湫沛雨答濡沫

○吾莊二首

歷墻高柳是吾莊。迎客方烹梅子黃。一水數家供婢汲。朋  
尊斗酒有妻釀。南鄰未請杜真率。東野原容韓木強。拋筆  
推窻為小醉。東山歷歷半斜陽。

背城面水是吾莊。六歲栖遲未覺長。柳舊吾栽已過屋。筆  
非隣送亦穿墻。卷中龍戰筆難了。門外蠅營人自忙。顧笑  
孤寒無所恃。書成欲向底山藏。

修史偶題十一首

黑鼠黃雞兩忽諸。終看冠冕被獲狙。苦心描寫成何事。一  
部東方相斫書。

蠶冊紛披烟海濼。援毫欲下復沈吟。愛憎恐枉英雄跡。獨  
有寒燈知此心。

千歲將誅老姦骨。九原欲慰大冤魂。莫言鉛槧無權力。公  
議終當紙上論。

磨墨輕冰在研池。坐知雪意壓燈垂。寒窗筆削豐家傳。恰  
到韓城墮指時。



閉門修史榻將穿。獨醉旗樓解指拳。晚日蒼茫教塵赤。犬  
猿鬪處定何邊。

一字兵機判暗明。越奇峽正迭相傾。憲臺月黑風吹動。代  
寫啣枚度水聲。

卅方言皆帶血痕。龍犀虎攫事紛紛。保元寫徹鷹長尾。自  
覺筆邊生瑞雲。

龍戰曾經八洲迹。鷲巢終審一枝安。卻收當日投餘筆。自  
寫千兵萬馬看。

二十餘年成秋書。書前酌酒一掀鬚。此中幾個英雄漢。諒  
得吾無由筆無。

野史亭前無數山。某岡某阜事相關。倦來拋筆時呼酒。歷  
歷興亡指點閒。

背馳時好枉辛酸。書就寧能博一官。故相何心來索取。亦  
應冷處閉門看。

讀韓蘄王傳

江淮草木畏臥虎。黃天蕩裡轟天鼓。廟堂隻眼輸女兒。向  
君手中奪大斧。三字獄壞萬里城。滿腔不平聊一吐。盡忠  
報國誓斷金。深銘在膚吾在心。青鞋忽裏登壇足。絕勝君  
家漢淮陰。

○即事

鴨河月黑水聲長。留客溪亭且把觴。坐久鄰樓人語罷。一燈以外夜茫茫。

夜讀清諸人詩戲賦

鍾譚駮蚤真衰聲。臥子拔戟領殿兵。收齋賣降氣本餒。敢挾韓蘇姑盜名。不如梅村學白傳。芊綿猶有故君情。康熙以還風氣闢。北宋粗豪南施精。排晁群推朱竹垞。雅麗獨屬王新城。祭魚雖招談龍嘴。鈍吟初白豈抗衡。健筆誰摩藏園壘。硬語難壓甌北營。倉山浮囂筆翰古。心怕二子才縱橫。如何此間管窺豹。唯把一袁概全清。渥溫覺羅風氣同。此輩能與元虞爭。風沙換得金粉氣。骨力或時壓前明。吹燈覆帙爲大笑。誰隔溟渤聽我評。安得對面細論質。東風吹髮騎海鯨。

浪華橋納涼

萬人聲裡夜如何。月到天心露氣多。豪竹哀絲舫櫂比。一江無處著金波。

題桃花放牛圖

相喚牟牟始出欄。休爲周野建橐看。吾儂唯愛春郊好。相映紅桃黑牡丹。

詩佛來訪

霞光破碎水粼粼。此際敲門恰有人。傳刺山妻忙辦酒。卅

年耳熟老天氏

十二媛絕句

紫式部

靜女高風冠內家，何唯彤管逞才華。相公百事原無缺，不折一枝深紫花。

清少納言

暗記長慶亦等閑，蝦鬚一卷解龍顏。誰知雜纂臨摸手，當喚釵裙李義山。

妓王

舞衫歌扇帶新愁，強把榮枯等水漚。他日嚴霜摧萬木，幸

然菴草早知秋

佛

誰知蔡澤出蛾眉，奪寵辭榮轉瞬時。紫石稜稜似秋鶻，見機卻不及家姬。

常盤

垂髻從行走，足胼胝、懷裏尤憐泣。凍兒雪底鷹雛爪，如鍊養渠它日擊臬鳩。

鞠繪

料峭東風凍鍊鱗，冰肌澣血淚初新。粟津有勝烏江處，從騎中猶著美人。

千手

燈暗琵琶強試彈，楚囚自作楚歌看。可憐胡蝶真情種，一觸春風戀牡丹。

靜

雄風東起急煽其草木，一時頭盡垂。獨有柔荑撓不得，當筵未肯備君卮。

尼將軍

菱花買夢意殊深，雙鳳孤鸞忽古今。人挽千年已酸鼻，自屠豚犬更何心。

柁原婦

纖手貪攀幾片霞，將軍亦解惜韶華。不知何事教夫婿，折盡連枝棣萼花。

勾當內侍

不管關西十六州，春寒鴛被領溫柔。君王誤賜蛾眉斧，割棄河山不復收。

楠母

強收畫哭淚，縱橫努力鵬雛。九萬程姑奪家傳，殉國劍爲君護。此小長城。

問管翁病不及而終賦此志痛四首

治裝忙上路，聞病遠關心。暮宿追星見，宵征送月沈。吾行

雖意憚。父執念恩深。冀及少閒日。猶陪微醉吟。  
聞病趨千里。中途得訃傳。不能同執紼。顧悔晚揚鞭。舊宅  
柳依約。空幃燈耿然。傷心臨沒語。待我託遺編。  
忘年呼小友。知己獨斯翁。推輓執場上。拔離官網中。一尊  
時燭跋。千里屢郵筒。寂寞文章事。細論誰復同。

曾栽記花木。手畜識鵝鳧。觸目皆堪涕。辭門未作驅。新阡  
勞顧望。舊校慮荒蕪。分手勉孤子。肯能堂構無。

○○阿彌陀驛址備後守兒鳴範長死義之處也

天子之詔手翻覆。將軍之教邱山重。手裂教書禦虎威。備  
後老守真忠勇。拔刀剖腹出熱腸。老腳肯接狐鼠踵。熊山

東望鹿子河。廢驛猶喚阿彌陀。自有兒郎期范蠡。沼吳有  
志復蹉跎。成敗何可論。彼傑助盜分利終如何。誰將大筆  
旌北老。豐碑高照山陽道。

長尾訪小野泉藏

醉倚闌干野日斜。秦川一派繞君家。秋江亦有春江樣。愛  
個魚苗似菽芽。

燒山

嶺缺朝陽射店頭。土鑪烹茗氣浮浮。山村知得霜來早。柴  
栗豐肥已裂毬。

○○過廐戶皇子廟

驛冒班鳩號。廟祀豐聰神。能聞絕域教。其聰誠絕倫。如何  
咫尺際。褒克君與親。龍血流幄座。諉之宿世因。憲法知何  
律。縱釋弒逆人。是非一顛倒。眩昧八洲民。醜聲流宮壺。謬  
論行指紳。膏血浚黎庶。丹雘壓紫宸。倒持喪大柄。橫流沒  
舊津。姦雄悔悖逆。假之茂君臣。作俑定何者。流毒竟無垠。  
寸舌寧救濟。萬髓旣彌淪。誰爲民社計。勿循覆車輪。

重陽在仁壽山校

住著村莊旬日來。重陽誰與其啣杯。野人籬落佳風日。又  
有黃花數朵開。

發仁壽山留別諸子疊前遊韻

滿山草木翠差差。回首前遊歲月侵。一漑自知無所益。可  
憐老圃植栽心。

胄山歌

胄山昨送我。胄山今迎吾。默數山陽十往返。山翠依然我  
白鬚。故鄉有親更衰老。明年當復下此道。

拜織田右府塑像引

日出處。日墜地。鯨鱈食人飛生翅。扶桑大樹安在哉。紫垣  
縱橫萬幣融。祖宗有靈生英雄。手挽狂瀾扶瑞穗。大事垂  
成身顛躓。遺像空留北郭寺。寺門滾嚴老木青。吾來肅謁  
弔英靈。粉墨剝落帳龕暗。檐過霰聲寒日冥。欲歸雲陰忽

解駁。面鬚可窺。稍隱躍。雙眉中。蹙見性急。兩頰下。殺知福。薄。唯見隆鼻洞。睛瀾巖電。英爽襲人。難仰看。金閣寺。等持院。曾識奕世將軍面。豈有一個堪敵戰。嗚呼。不如此。何以定禍亂。想見群雄盡膝行。狼顧脅息懼醢烹。畜狗反噬奴復仇。威愛之報兩分明。君不見後霸匡國誰不師。君者王國藩屏皆部下。唯見猴郎侍其左。願倩塑工畫貌其餘。豐頤大耳森列坐。

### 三條橋行

三條橋分七道路。六十州人來如驚。鴨河暴漲生欲裂。此橋屹倚盤石固。見道石柱之礎入地深五尋。螭頭不朽精

銅護。誰其造者曰豐臣。天正十八歲庚寅。維春正月乃成。級。雕。銘。十。行。字。如。新。壅。流。挾。出。蛟。鼉。窟。鞭。石。出。血。誰。遠。巡。按。史。正。在。其。三。月。公。實。奉。教。事。東。伐。元。戎。此。處。方。啓。行。蘇。背。如。拭。受。旌。鉞。騎。步。十。有。五。萬。兵。鎧。仗。映。日。太。鮮。明。想。見。假。鬚。助。威。容。縱。觀。擁。橋。九。陌。傾。目。中。時。已。無。八。國。驅。率。群。雄。如。奴。僕。久。矣。靖。洲。路。不。通。手。執。節。刀。剪。荆。棘。然。後。熊。皮。楛。矢。皆。聚。橋。之。東。側。君。不。見。整。頓。乾。坤。有。數。公。提。挈。同。成。太平。功。長。城。漢。倚。秦。皇。帝。汴。壘。宋。賴。周。世。宗。興。伐。不。沒。前。世。績。不。然。銘。文。毀。已。空。如。何。俗。儒。小。人。腹。希。世。偏。要。罵。織。豐。誰。寫。著。眼。讀。銘。辭。唯。見。蹄。輪。日。西。東。吾。來。摩。挲。暫。延。佇。

觸柱水聲與我語

飲粟田口旗亭

牛蹄車跡路泥濘。榮戟東西各作林。獨酌悠然闕來往。馬周今日已灰心。

桂川所見

雨添寒漲岸。痕遙紅樹青林路。一條村叟入城歸。到曉驅牛過水自過橋。

神田寶甫至

衰揚陋巷鴨河陰。喜得相思重遠尋。階砌泥鞋寒雨濕。窻搖風燭夜雲深。病鷹有失翻飛志。老馬猶存騰躍心。苦病

凋殘吾輩在。莫教兩鬢雲徒侵。

同寶甫伯兔遊亂林分謝茂秦老樹得秋早余得老  
字

墜葉滿店無人掃。地僻高樹得霜早。曾記洗盃店腳流水落。林根欲欲倒滿城。搢紳不相知。還有酒家識此老。一醉高吟踞月行。樹影稀疏歸城道。

題或画露根蘭

所南用筆意須論。黃壤青黎並不存。六十餘州萬年土。何邊不可託芳根。

送雲華師適尾張



鈴關卓錫躡新霜，宮港買舟撐枯葦。欲隨君行行不得，君如鴻鵠吾蝨蟻。一日三秋况闊絕，問君留滯其日幾。猴郎虎兒皆破產，知君遍弔英雄鬼。日長一線歸去來，勿及雪沒金鷄尾。

上總忠光

刀鏃餘生變舊裝，依然國士鐵心腸。隻眸何誤仇讎面，故倩魚鱗亂電光。

渡部競

佯甘羈絆列新班，奪士何如奪馬難。皮上不煩施烙印，舊恩銘在肺肝閒。

題八幡太郎過勿來關圖

春風吹却白央央，多難關心道路長。滿地腥塵未全掃，馬蹄愧蹋落花香。

題佐佐木四郎騎渡菟道圖

噴鏗春漲叱驕龍，一躍先登誰競雄。卻說官途波浪險，著鞭勇退急涼中。

論詩絕句二十七首

萬首琳琅任手揮，詞鋒未脫白家圍。皮毛擺落天真見，一榻恩香在御衣。

春宮一種曉鶯音，你裡何如御柳陰。日出君臣佳話在，燕

泥惹禍彼何心

衣中廿八顆明珠。風雅終然墮。筍蕪出類故當推。絕海指揮如意擊鯨魚。

橫梁吟驅北海濤。敵城屈膝拜旌旄。可為救勒歌和淚。霜滿軍營雁影高。

髀肉生時白髮多。殘軀不樂亦如何。老龍獨眼窺唐域。唱出升平第一歌。

拋劍援毫豈等閑。現身欲列古仙班。領他三十六峯碧。卻乞殘烟向五山。

正德諸公盡出群。駸雞雄雉各爭文。翻空千仞求威鳳。當

屬筑州源使君

白石滄浪書牘存。詩中商略用朱門。誰知麗藻非假偽。前輩文章本細論。

口角宮商音響浮。句中義味未濩求。一生不解子遷好。兩岸秋風下二州。

羽橋何及玉山光。野鷺家雞枉柳揚。不解藁砧鴻雁語。勝他太白對涼黃。

愴傳縹緲恰相宜。猥瑣何堪被肉絲。欲把金丹換凡骨。試吟南海竹枝詞。

海內文章落布衣。偶然七字是珠璣。登高唯有梁翁賦。解

道連雲秋色飛

濟南選法本澶漫抉剔何須後手刊金篋不醫徠翁眼猶

從五里霧中看

萬卷撐腸筆有神空疎何敢議前人始知翰墨關時運文

化何如正德春

歷城何及慶陽才偽體從來欠別裁竹垞漁洋渾不省復

為滿口說袁枚

浪速城中朋盍簪猶從嘉萬索金鍼茫茫混沌新穿竅唯

有多才葛子琴

泥犂口業未成空呈佛秋當彫琢工携叟草廬家數小鉢

孟還出渭南翁

朱絃疏越愛鏗鏘風格誰爭老禮卿大句寧無排莽力終

然五字是長城

虎烏龍蛇耳怕聞編裨空憚勒千軍論衡帳裡家家在開

關誰稱武景文

河叟憐才如海涵種桑養就吐絲蠶可知樂易心遙契前

學香山後劍南

自號詩佛意如何千偈瀾翻任口哦教化縱然非廣大濟

人不墮阿修羅

學吟爭願五山知寸舌權衡海內詩卻恨管絃非太曆嬌

喉不索十郎詞  
相視為詩有別才空腸直吐性靈來稜稜吟骨無收處理  
向空山土一堆  
時好遷移如循環百年唯鬧宋明間誰從唐尾占閑地西  
有竹田東柳灣  
織女機絲巧剪裁江湖數子各仙才誰知白兔迷離眼卻  
竊蟾宮靈藥來  
評安辟觀宋元膚論味爭收中晚腴斷粉零香合時嗜問  
君何苦學韓蘇  
文章於世本纖塵唯恐頽波沒舊津欲擊鯨魚無氣力半

生徒被喚詩人

食華臍魚歌

有魚有魚名華臍美哉其名誰所題蟹圍麝香誇不得味  
壓玉膾與金釐京城天寒價如璧故人獲雋會饒客爐紅  
鼎沸下鹽豉銀盤新堆臘雪白雪片墮鼎搖未消急嚼齒  
閒鳴瓊液肝如黃酥膚紫菌遍體華腴知名允聞汝口吐  
待食來可憐翻到我脣吻切蔥擘橙助精神頓覺四肢回  
春溫咲他世人嗜河豚脆美亂真如鄉原嗚呼汝豈與渠  
陰狠同外雖醜穉內純融口蜜腹劍李林甫何如吾見嫵  
媚魏鄭公

香點如山雪入窗天淵... 春風吹下... 關山... 歸來不... 王... 金... 武... 食... 主...

山陽遺稿卷之三

賴襄 子成著

戊子

築室三首

八分樹竹二分家。庇得琴書已覺奢。卻向東南贅一室。要將三面看梅花。

斬新書室壁纔乾。唯恨先人不及看。壁上施釘新挂下。數行遺墨淚闌干。

小似燕巢營贅壘。曲如蟻穴鑿傍空。多開窻牖供三伏。要納東西南北風。

○雜詩

山城春淺乍陰晴。疎霞過簷窻日明。屋外梅花開幾許。東風聞在紙。鶯聲。

題紀氏草園

種柳栽花十萬家。東風各自競榮華。不如負郭無心草。先向闌園茁綠芽。

○○拜

桓武陵十八韻

天潢初正派。帝運昔方中。寧樂十許朝。至光仁桓武始復天智之統。襟帶山河碧。規模日月紅。遷都詔有山河襟帶自然成城之語。都城跨龍虎。將師馭

羆熊。方略從懸算。驅攘制遠戎。一隅清獠羯。九鼎奠穹隆。

累洽生三聖。

平城。嵯峨。淳和。皆帝子。

同寅貽數公。

藤原內麻呂。緒嗣等皆所簡遺。紀

綱趨叔季。堂構忽岐豐。撞壞群兒手。陵夷烈祖工。扶持無

輔弼。竊據有姦雄。

指六波羅。室町。

玉座分南北。民瞻各異同。

兩部分立。

人懷嚮背。幾經兵馬踐。纔發稜氣蒙。默佑成回復。宏圖見始終。

言近古。變亂為名。

玉魚光壘壤。寶氣貫雲虹。萬戶烟炊外。一杯荆

棘叢。地祗防穴蟻。

神胤庇斯螽。誰處平安地。

平安之名。亦定於當

日。敢諉延曆功。樵蕪詢隧道。檜柏認靈風。率土微臣意。陳

詞薄鞠躬。

又

十萬人家烟火蒸龍蟠虎踞勢峻增不知耕鑿由誰力春  
草茫茫延曆陵

○贈卷弘齋

曾看楷法太端莊羅綺叢中忽共觴銀燭烏絲寫腸斷煩  
摹婀娜十三行

○留堯佐語

春灘雨輟水聲聞春月行天夜有雲吾賒一尊君且坐瑞  
香香裏細論文

大和萬歲樂圖

擊鼓其鏜非用兵素袍烏帽表升平具瞻日出真天子萬

戶東風萬歲聲

老板

纔過一坂是丹波昨雨乾時泥雜沙燕語呢喃留客住李  
花林裏十餘家

楊妃教鸚鵡圖

玉碎香飛不得歸馬嵬碧草血痕肥慧心不省他年夢還  
把金經教雪衣

題雪堂翁臨大雅山水

栖託猶嫌塵事侵幾層青嶂寫清澹雪堂何羨霞樵筆唯  
有雲烟契此心

過福井氏

綠樹環軒昨雨乾  
牙籤插架許抽看  
何來香氣襲湘帙  
花發一盆金粟蘭

桃竹刀鞘引山根士慎遺物

吾有三尺護身刀  
久藏未有飾其室  
長州桃竹工絕妙  
織成爲鞘勝髹漆  
微也歸長託齋去  
何料奄然因羸疾  
關心遺草散不收  
刀在何處何暇恤  
剝啄到門致一函  
拆封蒼龍啓蟄出  
有友代述生前語  
經營纔就鞞鞞靴  
李札掛劍爲死者  
死者爲生難於札  
憐渠孤孽自磨礪  
學成欲試忽一蹴  
有如此刀百鍊鋒  
未出其室鋒鐔折  
又如此室斐成

章未稱刀用候相失  
刀兮室兮宛在此  
之子生死長相訣

題石靖節集陶句

廣江大聲得小石肖人  
衣巾面目頗如畫家所傳陶

淵明像索詩於君夷及余  
君夷詩盡焉余無可言即

集淵明語塞責

情通萬里外高操非所攀  
時時見遺烈我欲觀其人  
形骸久已化言笑難爲因  
一形似有制不知幾何年  
問子爲誰歟欲辨已忘言  
天容自永固靈府長獨閑  
我心固匪石聊且憑化遷  
將去扶桑淚復得返自然  
語默自異勢安得不爲  
歡摘我園中蔬淹留忘宵  
晨一觴雖獨進千載乃相  
關



土佐童子龍學我書賦贈言小技不足誇可助親歡  
勝他嬉戲耳

晴日輕風坐在家明憲弄翰侍爺爺紙寫竹馬渾閑事自  
愛毫端掣黑蛇

題辛夷為昌藏院師

一株木筆對僧櫳個個含苞動晚風莫道仰天為底字大  
藏萬軸亦書空

桃源春曉圖壽某官人四十

強仕抽身志願迂桃花涼水夢空徂將朝猶早焚香坐閑  
看武陵春曉圖

寄懷內藤士謙

鴻鯉迢迢浮復沈孤燈遠夢兩人心報君志豈衰年減思  
友情於別後滾遙識長吟獨呼筆喜聞短髮尚堪簪駝橋  
鴨水宦遊跡相遇何知無再期

題畫為叵友山根士慎

霜縑曾許寫新圖何料幽明忽異途塵沙劫隔雲烟影畫  
樣能稱汝意無

山茶

暄日微霜乍放晴可憐寒萼隔窻明憶曾僧榻談禪坐靜  
聽一花花落聲

人語

吾生千載後而求聖賢心聖賢亦人耳肝腸無古今其言  
本平易傳者故鑿深坦坦亨衢內故生荆棘林安得羸皇  
火重除蕪穢侵泥沙若不淘烏能覩精金

治亂自有漸海宇數分裂挑灯閱汗青歷歷如眉列激思  
窺其倪此意向誰說燈花如有心向人落復結

東山何藹藹夕陽發紫色鴨水收微瀾縈回展白玉鳧鷖  
知日暮相喚歸汝宿吾亦收吾書戒婦開尊醪河鮮自可  
烹竹筍自可斲就吾東軒下一杯聊相屬

築室鴨水上插柳纔數尺來住方六年其高已過屋上枝

栖鳴蟬下枝拂浮鷺中枝映吾几翠陰書可讀仰看樹如  
此歲月如流連

吾思善清行封事敘竟見彌縫忠邪間屢免連罪譴又思  
江廣元濟時見權變幕賓實別當朝銜虛大膳二子洵可  
慕不囿儒林傳遇時展所學千載見其面榮辱交乘除利  
祿疑依戀不如草莽士湮沒全介狷

戊子夏秋之交詠園中草木示從遊子弟擬東坡先  
生而非盡然也

盆盂菀幽蘭抽華忽數莖莖紫蕊含綠漸變白彭亨一朝  
破其類遠香漾軒楹人才同卉植育養期華英函容雖愧

○送族弟綱歸鄉

折節憐君惜寸陰。旅窗燈火共研尋。一家添補讀書種。千里周旋扶老心。橋梓影孤歸路遠。烏烏聲樂故林深。北堂吾亦衰親在。陟屺常愁霜雪侵。

○夜訪信侯呼星岳又至

市灯稀處叩君門。淡巷初乾梅雨痕。香認盆蘭發。魚子影知階竹出。龍孫毀譽到耳休。淡問文字橫胸要細論。更喜佳朋隔街住。呼來每得咲顏溫。

讀書八首  
吾髮猶未白。早已擲華簪。未能住林壑。杜門紅塵深。豈無

友朋締俯仰。非所任言笑。雖云樂謗譏。動侵尋率意。時觸諱飾情。亦等瘖。不如還讀書。有人獲我心。

開室灌木裏。軒窗洞南北。薰風生其間。衆鳥鳴不息。鳥言無毀譽。寧說喪與得。喜彼門外事。不到几榻側。披吾架上書。持映木陰綠。遙遙千載人。如覩乃顏色。收卷為一笑。此心唯自識。

今朝風日佳。北窻過新雨。謝客開吾帙。山妻來有叙。無祿須衆眷。八口豈獨處。輪鞅不到門。饑寒恐自取。願少退其銳。應接雜媚嫵。吾病誰砭箴。吾骨天賦予。不然父母國。何必解珪組。今而勉齷齪。無乃欺君父。去矣勿聒我。方與古

狹。滋灌務節程。茁然吐芳馥。豈不娛吾情。

鑿池蓄泥腴。種藕方出荷。卷葉如傾蓋。稍高展旗牙。傍更  
出一葉。非葉乃是花。苞荅如羅縠。護此紅玉芽。有根斯有

華。此理誠不差。囑汝休速開。速開欲如何。

月季每月開。籬落裛風露。剪故出新芽。英華由激心。一月  
不剪伐。葉茂花不吐。因循學薔薇。引蔓附他樹。外慕不自  
立。莫乃失故步。

盧橘與梅花。不惜天噓喻。吐英當寒沍。結實冒雨濕。味可  
調鼎彝。品貴金光擘。石榴亦可喜。不爭群芳急。晚出乃驚  
人。一花點萬葉。粲然經霜露。未遽拆汝頰。誰言面皮粗。中

貯千玉粒。

飲于星岳新居

九街聊儻讀書櫺。小室疎簾苔氣馨。隣樹過牆借菴鬱。井  
泉溢缶喜清泠。一尊催汝開新綠。雙眼迎吾展舊青。噓喻  
塵埃息。鵬翼休為容易徙南冥。

題介石翁絕筆畫松竹遺言囑題於余

石翁描石還描竹。竹石相偎太有情。記得雷吾竹。滾處烹  
茶石上聽秋聲。

兩株松樹翠沈沈。老樺交柯翠色深。不問龍鱗成與否。忘  
年曾契歲寒心。

山陽通志卷三  
余與王香遊嵐山誤破其酒瓢為補之係以詩  
醉破君瓢花外村補吾膠漆尚溫存庚庚橫理君宜記亦  
是春鴻舊爪痕

題大雅富春山圖

淺絳圖傳七里灘霞樵別手變孱顏石青應拾梅花片染  
出富春春後山

畫嶋望岳圖

望岳於薩陞不如畫嶋快薩陞吾曾經畫嶋唯見畫尺縑  
辨方位素壁姑張挂芙蓉插海心波浪決吾背指點曾經  
道迤邐如遙黛

大槻士廣西遊過別話次接筆圖沿道山勢概畧代

驢題此

京畿山脈向西趨邈迤直抵肥薩隅路緣其南轉循北為  
君約略製此圖囑過赤關頻左顧先認彥山與阿蘇

○同筱承弼及諸子觀東寺古書蹟還飲于朱雀旗亭  
紀以長韻

油幕裏小輜輿病冒大雨趁友南郭寺聞其富藏貯觀覽  
許擅越爰居供鐘鼓寒儒附驥尾巾服混同侶開士學於  
唐善書非摹撫歸航齋書籍矮紙手錄簿大像畫奇偉縑  
幅贊七祖大字鶴令頌小字聖教序圓活藏雄勁綉帳伏

山陽遺集卷三  
弓弩間以飛白書。飢蛟鬪渴虎。聰明見絕人。小技蓋餘緒。  
敕章與教書。班班又難數。田券弘仁前。端楷署民部。指揮  
歸武人。書蹟變僞父。足利書最多。器物款建武。入犯託窟  
穴。報施固其所。織豐戒蹂踐。粥飯資給予。萃押元帥筆。句  
撇頗飛舞。施主總安在。伽藍儼故堵。乃知開創謀。能勝英  
雄主。書生顧蹇拙。孫謀本莽鹵。忍饑觀書畫。貪癡遭咥侮。  
欲進呵攬先。腳麻行偃偻。決起問酒家。同醉氣聊吐。歸轎  
穿夜街。灯火夜未午。瞥眼閱苦樂。一日成千古。

○寄杏坪翁赴官三次郡

吾叔真番番。短髮尚堪簪。神明決滯獄。廉介守良箴。催科

自知拙。括囊每愧瘖。豈戀名爵好。欲報恩遇深。倚君鎮蠹  
動。輿病度嘔嗽。勞瘁雖非憚。瘴癘恐相侵。姪嘗望勇退。今  
則勉力擔。尺書曾努力。合符得來音。喜君平昔意。不隨跡  
浮沈。苟不遇盤錯。何試百鍊金。民瘼何足慮。魑魅識忠忱。  
遙知案牘暇。尚不廢詠吟。投老適得所。掃吾舊書蟬。伊叟  
髮變黑。非賴三椹參。坡翁兒共樂。不憂栲擲林。野老餉山  
藥。訟庭聽春禽。臥閣耿燈燭。獨眠不愧衾。聊寄一尊酒。遙  
遙向雲岑。凜冽澆磊砢。應知老姪心。

○十三夜竹洞山人到留酌

金波依約動攔頭。呼酒煩君且小留。莫道桂輪猶未滿。風

清月白即中秋。

○十五夜草堂小集

雨濕秋香簷際飛。病軀怯冷下書幃。去年兵庫驛南夜月  
隱檣竿猶未歸。

檐聲漸斂月依稀。送客臨階呼客歸。應待萬家歌咲罷。一  
輪徐自放明輝。

信侯至自省鄉

都門甘桂玉。忽然思鄉閭。咕嗶惜烏兔。爺孃已桑榆。就我  
決其計。理裝速上途。乃母謀軟脚。乃翁笑掀鬚。每書說衰  
憊。謁見喜豐腴。淹留無多日。團樂樂有餘。鄰叟借漁具。行

釣舊溪魚。手調供甘旨。齋半還贈余。所愧抗顏面。父師誼  
不殊。挑灯談歸况。一一想歡娛。吾亦存老母。欲省路太紆。  
前月得一信。不知今何如。

拜藤納言勝房埋髮冢

黑頭非是不勝簪。薙前誰知用意濃。王土終歸姦賊手。空  
埋曲局念君心。

九日同伯免信侯輩登吉田山

擾擾萬人家。依依九陌樹。怪此軟塵中。亦容吾輩住。

書楠公碑本後

嗚呼忠臣楠子墓。五百年後見七字。想見當時拔劍目裂

山陽遺稿卷三  
皆黑風吹血霾天地厲鬼果能盡此賊天定論定誰異議  
朝廷闕旌典藩服表死義况鐫蕃客文未知忠魂慰唯有  
題中署贈銜近衛中將正三位猶係延元天子賜

九月十三夕同樞園賦

風露秋心老杯觴酒力微延明還秉燭喚婢又添衣紫割  
簞花熟青烹豆莢肥詩成已滾夜隣院肉絲稀

○書朱舜水楠公碑陰贊後

碑面題學延陵墓碑陰字類多寶塔忠孝日月詞感奮頌  
贊非由臭味合。亡國之臣附驥尾有脚東海不枉躅包胥  
淚盡和墨汁扶桑刀紙空傳揭回頭緬甸落日紫應羨芳

山延五紀猶勝能書張瑞圖曾碑生祠媚閹奴

大風行

歲在戊子維秋中八日九日天大風風來自西南海上肥  
前筑後當其衝怒浪大齧穴門破防蕪次第來擊撞掌大  
雨點撲人腥雨邪潮邪聲洶洶大屋掀撼人盡走小屋併  
入飛入空大水倔強姑抗拒力竭戰敗斃老龍烏鳥失其  
巢駢死孰雌雄陸已如此况在海萬艚四散失所在吳船  
葉研越船破雖然可修又可改歐邏巴船號浮城吹之上  
陸陷地底募能引拔致於水賞以互市利一載愚民莫應  
涕滂沱曰何必恤嗚蘭陀吾屋盡破吾田無禾無綠出常



科何況供倍多金銀宮館成旋圯奈此封姨降嫁何君不  
聞貞觀中海溢肥後沒郡六大鳥來集宰府屋朝廷惶懼  
問大卜權帥少貳各陳策水田課耕緩貢調停止交易務  
儲蓄嗚呼古人太過慮何不坐食駭鯨肉

夢岳歌為仙臺郎監櫻田權大夫

君曾夢富岳果過富岳足未曾夢叡山還至叡山麓叡山  
二十減富岳不敢入夢意可識憶昨三峯宛然如舊識霞  
標生面亦娛且嗚呼使君生天正前縱夢何瞻其項與肩  
况過其足到中原泰治有澤又君恩吾聞君藩先公志吞  
八埏知必夢岳及叡山其奈有人著先鞭後來來觀每搯  
拳不如君有官遊樂決皆盪胸意悠然君不聞此西更有  
阿蘓有霧嶠雖不及岳各自妙或又入夢相呼呂求視何  
如叡山峭恐無官事可託行夢與不夢兩有情

題畫

山頭雲氣藏瀑水源何許思詩終不成愧襲謫仙語

讀後赤壁賦十月望作也

西湖未必勝東坡團練曹閑早放衙不得簽書還亦好攜  
魚攜酒上浮家

○信侯至同賦

鄉閭迢遞夕陽沈抱病甚窻且永晡鮫鱈拍浮波浪惡蠹

山陽道和卷三  
魚生死歲年深。紅塵何處可藏骨。綠酒幾人談此心。大阮  
謫居消息絕。遙憂冰雪謾相侵。

題清水寺閣雨景

花外水聲加。欄頭雨點集。及他羅綺散。靜看胭脂濕。

含公獲宋輒阿彌陀經。請余跋之以銅蓮筆架潤筆  
甚精雅賦此志喜

蓮葉偃還仰。蓮華舒復屈。古銅誰摸貌。華葉交凹凸。下有  
一蟹伏。斂螯護顛越。一根金色種。來自阿耨達。置之寫經  
池。可以架不律。吾師有墨痕。芳香雜髮弗。微余跋芬陀。輟  
贈潤吾筆。抽詞思欲枯。鍊句機未失。幾度倩汝肩。停毫擁

吾膝。借其出水氣。庶覩芙蓉發。

臘月廿六日訪信侯分坐上所有為韻余得澄

殘年僅五日。九衢累雪冰。人心我得閑。攜酒問吾朋。吾朋  
無僮僕。調食坐復興。謂君且莫爾。此事非君能。徵逐豈無  
伴。朱門酒如澆。不如從吾黨。世路謝峻嶮。蔬菽足有醉。街  
鼓已藜藿。餅中水仙萼。吐香夜清澄。論文品千古。聊共同  
此燈。

山陽遺稿卷之三畢

山陽遺稿卷之四

賴襄 子成著

巳丑

元日

去年殘燭影微微  
今歲朝陽來到遲  
四十九年非與是  
依違宿醉未醒時

題畫

春寒臥我廬  
看此春山圖  
欲題新句去  
研凍不容書

細川賴之

養成弱主身  
宮戍拔得強  
臣眼裏  
丁旗幟  
精明君莫怪  
清

風禪榻喚翁醒。

十一日夜飲于後藤氏歸途所見

宮漏沈沈月在空。夾街萬樹玉玲瓏。紫宸朱雀知何處。三十六宮春雪中。

上元送添川仲穎東歸

客程新曆日。文會舊憲櫳。寒在梅華碧。宵淡蠟燭紅。離觴上元酒。歸轡半春風。還遇昌平友。能談及此翁。

雲華師來吾書課未了延之別室

爐火通紅湯沸鑪。瓶中梅萼數枝明。付君清福能消受。更向窻間著雪聲。

再與仲穎話別

青燈綠酒自情親。明日行裝趁路塵。游歷當追少年日。文章方遇太平春。意中桑梓程猶遠。望裏芙蓉雪正新。老病尋常重離別。未道天涯如比鄰。

春寒詞

雪裏烏輪凍不飛。紫鳳蹙翼半棲機。春蔥火尖紅玉屯。不任金鍼縫春衣。碧窻梅華同愁絕。哥窰一瓶曉欲裂。試調眉暈脂水凝。紅霞上臉知何日。

浪華邂逅草場珮川珮川訪余於備後去今二十年矣

黃葉斜陽已廿年。軟紅塵裡再駢肩。半生飄蕩成何事。看  
我新霜上鬢邊。

○西宮與雲華師會次其韻

驛亭燈火依微影。官道篋輿鴉軋聲。共向鄉園君較遠。幸  
然同此十餘程。

途上

埃樹風生日欲曛。驛亭買飯雜沙塵。十年九過山陽道。唯  
為家鄉有老親。

播州鶴龜邨店

寒漪倒影兩三家。一樹山櫻未著花。埃我待輿東上日。要

看暖雪壓檐牙。

省鄉五律二首

聞雞辭旅店。裹足度山陽。殘雪二丹白。連峰三備蒼。春寒  
麥苗短。日薄爨煙長。心愧平生學。何謀濟歲荒。

求明方北學。省母又西轅。坐轎累民力。移郵猶國恩。遙雲  
迷雪色。初日泫霜痕。人語鄉音雜。方欣近故藩。

播備之際懷古

播山備嶺互盤陀。扞賊三郎事可論。不挽君鄉兒鳴口。卻  
放船軍過海門。

過廉塾

驛門右折路橫斜亂柳疎篁舊隱家  
鶻鴨不知人已逝猶隨流水啞梅花

○尋杏翁三次官解

巖容攢地脊水勢赴山陰  
吾叔衰遲久斯鄉瘴癘深  
遙攜一尊酒欲慰七旬心  
對醉春燈底雪明擔外林

吾嘗獻家叔磁杯攜之南遊  
誤破更補及歸省齋往再獻

隨君遊芳野獻君以酒卮  
云是廣東窰金骨土為肌恃其  
墮不碎攜將上屨屨輿夫手誤  
壓毀損嘻難追綴補存痕迹適足  
記當時夜酌菟川驛卯飲藏王祠  
尤憶千株店泛

花傳相持今來遠省覲囊齋  
充歸遺盈切思君堅剛性比似金質  
磁軀殼無少虧貯神醇不醜苟無  
外患虛不須丹液醫保護子姪責  
承歡及期頤

○子晦從弟上計趨國府與偕即事

雪汁增春漲雨聲來夜船  
逆流篙力竭上陸炬明牽同汝  
舟輿路思吾鞋鞮年暗泥行已過  
驛酒再陶然

漢辨亭憶昔

重乘漢辨驛南舟憶伴吾翁趨石州  
垂髻荏苒成霜鬢三十二年如水流

○○題司馬仲達觀武侯營址圖

死諸葛生仲達吾能料生不料死此語大癡乃小黠卻有  
天下奇才目足見姦雄心真眼壽曰管蕭流甫曰伊呂儔  
後儒贊頌雷全耳不若公論出敵讎

吉田驛感毛利典旣事作

舍舟夜投吉田驛心記江公創業跡猛雨打輿暗箭集河  
漲聲聞萬刃戟朝起山河列眉明策杖獨尋公墳塋塋上  
老木槁不死隧道深巖華表峙仰瞻城墟連雲起山開鳥  
翼襟河水曹山在背猪山面果信北軍墮計裏援軍孤壘  
在其間形勢頗殊舊閱史當時眼已無二家終使十州拱  
旗牙河堤西指嚴鳴路想見出師誅豕蛇風濤雷雨助號

令百怪惶惑避義戈請詔復仇真偉舉黃金撐斗擎日車  
乃祖酷肖荀文若此公卻類孫討逆大兒如虎小兒龍亦  
如江東權與策休比輿櫬入洛陽頗似納籍歸汴梁錢氏  
福與趙家長公才件倍武肅王洒掃不廢裔胄在恨無碑  
文託雪堂來拜者誰外臣襄家世生長公舊疆少脩私史  
請公事今日墳前始辦香土非行沃民力薄經營四外餘  
裕綽勤儉富國無礎塔鼓舞強兵無羸弱玉帶名馬好不  
存一生唯有用士樂嗟哉真英雄主不可作

十八日至鄉明日先考忌辰志感

懷鄉來遠道展墓及期辰不寐族明發具慶思昔春行篋

齋茗酒薄奠助繁籟喜見新男婦尸饗秩祭儀

或獲方廣寺瓦用為燈籠索詩

髣髴桐花記阿藤參差翠羅想觚稜憐無功德瓦孫子一  
片殘鱗籠夜燈

與坂井生小飲

萱堂省病一旬多芸閣論文半日過菜甲梅花春幾許酒  
光燈影夜如何通家兩世寧疎闊舊業三餘要切磋及子  
衫青當努力看吾鬢髮忽皤皤

侍母東上舟中作

吾行準擬及花開倩得輕舟破浪來欲罵春風太慵懶布

帆終日不離桅

一蓬掠過白鷗煙臥閱青山總可憐聞得舟人呼飯熟船

意推醒阿娘眠

閒傍拖樓傾濁醪舟人分座且醅醕遙呼漁叟買紅鬣活  
撥鮮鱗不受力

嵐山

奉母嵐山第四回板輿未到已花開春風畢竟舊相識留  
取殘紅待我來

粟田戲作似送行諸子

把酒旗亭別送人禽聲草色太平春攜妻挈子同從母非



是流民是逸民

鈴鹿關

泥帶殘紅雨點斑。全家騶轡度春山。追思十六年前事，衝雪獨過鈴鹿關。

路上

東過鈴鹿路平平。旅服方逢連日晴。滿地春風行不盡。菜花黃雜紫雲英。

河碕舟赴雙鑑浦

春帆不嫌緩舍轡。就江灣暖靄二河郡。斜陽兩勢山此行。從阿母何處不鄉關。到岸投村店。鮮魚醃醉顏。

五十鈴川

平地生雲氣。參天疊木陰。萬年神在處。兆庶子來心。此水流今古。何人測淺深。姦雄欺齋冑。不道大陽臨。

雙鑑浦觀出日歌

金烏新浴大東洋。帶濕朱輪未吐芒。參山遠山猶宿霧。海濤漸作赤金光。三万六千中一日來。此始見全日出。瞬息飛升難正視。乃信催吾白鬢髮。今日春盡欲呼觥。傳語義和且徐行。

還由伊賀路

幾宵投宿軟塵中。路轉山村見古風。迎客小庭新灑掃。當

階一樹映山紅。

上野黑門是寬永中渡邊氏復仇處

伊賀城頭西閣門復讎有跡恍血痕仇人騎馬魚貫過挺  
刀一呼褫渠魂妙夫慷慨廉從義脊令原寒同雪冤一水  
西渡是疇原當時投宿館猶存吾來挑燈思往昔想見淬  
刃候曉噉嗟哉士風猶使薄夫敦寬永之俗今誰論

兩伊道中書感

膏腴負海郡形勝要路津支封擅一國峻扼帶嶙峋高穎  
非隋士趙普本周人相時助新主效謀等舊臣殺前藩鎮  
力能使桀驁馴陰贊太平業流澤被生民有功當食報享

富豈無因弱末終傷本隋宋勢或均至計久必弊變通要  
歸仁九原如可作此意向君陳

笠置山觀元弘行在所作歌

巨靈手拔地骨起怪岳萬尺爭層累堅者為櫓橫為墻天  
作高城淹天子元弘之元秋八月龍濟憑險事倉卒黠  
賊蟻附緣間道一敗蒙塵更播越普天何人非王臣誰赴  
急難來竭蹶猶賴祖宗在天誘帝心夢賚異材是良弼君  
在臣敢死臣在賊滅可指日唯願君心終始一笠山南望  
芳塹山再狩之駕不復還君王唯忘在此危九仞一簣真  
可惜吾來慷慨憶當時時認石巘鑿礎基藤公傳勅楠公

跪。此處是耶未可知。居民爲我指村墟。爲賊鄉導實由渠。  
至今猶不通婚嫁。童孺唾罵斥如奴。嗚呼蚩氓猶能辨大  
義。寄語人間士大夫。

至家乃雨

十日間遊盡朗晴。薄陰昨作好舟行。一尊今夜軟吾腳。穩  
臥南窗聽雨聲。

下江同小竹主人及諸子訪半江居士居士新獲明  
人書七言絕句在壁依其韻同賦是夕雨居士留我  
宿焉

雨澆簷樹綠扶疎。點滴聲中酒味餘。醉欲眠時人盡去。真

成高枕卽吾廬

遊泉州與小竹半江二子偕

袂鉞青。老麥芒黃滿路薰。風衣袂揚攜得佳朋行。且語天  
鷄聲。裏日方長。

○鹿跳澗是湖水瀉出爲漢之處以鹿跳可渡名焉已  
丑五月侍輿往觀紀以詩

太湖三萬頃。其水西南傾。五州怕魚鼈。難拒勢建瓴。護之  
以山壑。崖岸互拄撐。輸寫漸弗猝。譬如酒出罌。有餘乃溢  
出。湖面無縮贏。脈脈過菟道。混混赴茆渚。長橋虹霓跨。大  
扁羽毛輕。誰信尋其口。裁如一溝橫。偉此造物巧。萬古安

群氓近聞有獻策。決開利舟行。湖船可通海。運漕捷路成。  
咄哉挈餅智。敢欲鬪巨靈。

日野亞相公辱臨恭賦奉謝時老母來在京寓

不須村巷戒傳呼。小隊來過草閣燕。劍佩有香來。研席門。  
庭無地納車徒。闈中寧剪陶姑髮。竹裏方攜嚴武廚。朝退  
太遲當卜夜。未辭執燭起鵝臯。

木鷄至

倒屣相迎笑輾然。呼杯欲待夕陽天。借君冰簟借君枕。向  
我溪亭姑一眠。

題雪堂書

柳絲雨脚共斜斜。一傘枝撐風力拏。太似鴨兒川畔路。衝  
泥昨日訪君家。

題謝安東山攜妓圖

紫翠鉛華兩恹情。自疑起臥繫蒼生。誰知淝水震天鼓。猶  
似嬌絃脆竹聲。

重陽侍母飲壁上挂先君畫菊十六年前此日在家  
所賜感作

曾將今日省嚴親。為寫黃花醉墨新。侍母畫前強作醉。此  
身非復具慶人。

中秋赴岩碕氏招飲得照字

看月何處好。莫若湖上妙。住京十七秋。佳期遘。每少君家  
踞湖壩。迎吾恣臨眺。更許將吾母。欣然行侍轎。憑檻瞰淪  
漪。斜陽在遠嶠。月出樓之側。湖面已橫照。要看冰輪全。更  
命桂舟漂。洗杯蹙金波。併月斟相酌。一輪行萬頃。天水澹  
不搖。紅壘窺玉兔。此興曾遙料。今秋屬大風。怒號發萬竅。  
秋禾偃還起。未至騰糶糶。人安我亦安。風月足吟嘯。佳境  
承新歡。誰不開口笑。不辭風露霑。月傾未返棹。天

絕句

京城迎母半年留。月白風清何處遊。待我板輿三十里。借  
君湖閣作中秋。

風露霑衣眠未成。小欄于外月空明。湖魚亦識人猶醒。跳  
破金波夜有聲。

聞天民五山遇災作此歌弔慰

天憎五山穿天心。月疾天民出月脅。風怒其朝雲怒晒花  
木蟲魚嗔媒狎。協謀合圖遣祝融。雲師建旆封姨翼。天民  
同災玉池魚。黎棗半燒灰滿甌。最痛五山罹酷禍。未刻稿  
本空幾篋。半生咿嘍琢奇語。鉛槧數改防躑躅。何圖天翁  
久睥睨。龔焚積聚奪素業。君不見君曹詩已傳萬口。沁萬  
脾。何論六丁下搜指。筆底之詩猶可焚。胸中之詩不可劫。  
萬累掃空嗟身在。裸臥天地眠。齧齧徐起咳唾三千首。清

新更如水出峽題曰已丑災後集精明一變換舊法譬如  
曹瞞赤壁歸後養生兵更臨大江耀戈甲

讀南北史小樂府十二首

非是田舍翁草間英雄起一毫蠅拂手生擒數天子  
問耕不必奴問織不必婢何以禦佛狸唯恃長江水  
髑箭射君臍紗帽被君首作事須及熟莫落他人手  
肉中終有血一死知所處寧將一家物推付一家去  
得失皆自吾吾知亦分明何倩短脚漢蹋我金甌裂  
長江雖天塹已付韓擒虎猶有景陽井個中亦樂土  
惡人如惡馬蹄鬻不足慮獨此賀六渾不受君駕馭

誰教鮮卑兒解遣紹宗來高王定未死悔擲大行臺

渭曲多萑葦誰爭黑獺居如何事潛匿不祭江河魚

生憎盲老公手能翳明月百升陷入地冤血刻不滅

關西有男子不爲降將軍卻降騎虎者操戈剪宇文

獨孤豈誤我奈此天數何縱立見地伐未必異阿婆

送母西歸觀楓箕面坂上大塚二氏為導

紅楓相映醉慈顏待得歸輿未直還今歲此游堪壓尾攜  
來佳酒看佳山

送母路上短歌

東風迎母來北風送母還來時芳菲路忽為霜雪寒聞雞

即裹足侍輿足繫跼不言兒足疲唯計母輿安獻母一杯  
兒亦飲初陽滿店霜已乾五十兒有七十母此福人間得  
應難南去北來人如織誰人如我兒母歡

書感

去年西海道風波駭鯢鯨更聞姦猾民外交輸國情今年  
東海道火災半都城元老不憊遺奈何此蒼生恐虞憶寶  
永凶饑念天明今秋賴有稔三農喜餘贏吾行徑山陽沿  
路方西成甌窶箐已滿汗邪車已盈數揚糶沙礫晒曝乘  
霽晴民心應蘇息物價止踊騰夏天眷祖澤運蹇復扶頽  
高儒饜粗糲冀可歌太平

竹原

出墻廬橘尚依然自別音容已五年猶憶書樓留老姪笑  
談連夜每遲眠

上隴

蕭然旅服始離船來拜墳塋枯柏閒飄蕩天涯已衰鬢未  
知埋骨向何山

堯佐奉檄將東來別于尾路

衣袂初日換青衫槍號寒風拂綠沈話別江關年欲暮促  
程函嶺雪方淺後來官跡為何狀前路交情獨此心剪盡  
夜燈論出處曉窻過雁亦衰音

題畫山水

泉懸雲樹間，幽寺在溪處。欲往山蹊遙，經聲雜水語。

韓信過胯圖

委蛇全初年，岸異蹶末路。如何噲等肩，不及屠兒胯。

張良受書圖

其意不在書，時機教先赴。先據函谷關，先塞成皋路。

舟赴玉嶋維而上問泉藏信宿見送賦謝

漕渠一脈路，逶迤攜手長堤步。午暉此水還如故，人意迎吾來到送吾歸。

舟中有作

同指親庭隔夕暉，關心家室卻京畿。蓬窻有夢常分背，不似征帆一向飛。

回頭

仰頭瞻曹山，回頭望兵庫。萬帆指華港，重城出烟樹。迎母已此路，送母亦此路。送罷獨東歸，吾心乃西悲。妻兒待我，羽要我，獨奈慈顏乍離違。願母長生吾健在，迎送此路無窮期。

海陸小詩二十四首

綿衾薄如紙，夢覺曉燈青。知有先吾發，門前過馬鈴。  
芒鞋半欲穿，埃樹生暝色。微醉擘霜柑，寒風奪酒力。



卷四  
五  
姬路城樓高英雄據此起謀臣曾記名契合如魚水  
酒店養兔兔樵橋過去牛雨又閣首路右者走因州  
纔過捺別盡黍刈路又艱平郊望城樹認得是岡山  
途長苦日短數與歸牛遭登登村樹盡太白向人高  
土鼎茶方沸茄簪霜始乾病夫艱蓐食十里乃朝餐  
山頭盡殘日山脚起爨煙行客怯長埃輿夫愁短錢  
連車載蕙苾傳驛催丁夫舊尹東歸處坐輿皆僕奴  
槍號白氍毹知渠毛利氏山陽過十州盡是祖宗地  
行人換渡航沙步連村市曾灌高松城心知此水是  
一嶺界封疆瓦光包海氣宿檣森似林京信有來未

右陸路

枕底聞波聲不知是何處歸鄉夢未續舟子夜相語  
船尾動晨爨揭篷風撲面已過柝原城城檣隱復見  
有月挂高帆無風搖急櫂篷窻聞犬聲應是來中浦  
幾緡征鞋破一帆歸艇速船窻指來路遙在連山北  
烏檣笠子罔粉壁甕兒舉歸思雖如弦尋羽當一到  
唯罵行舟遲不知去國遠應教鄉夢成蓬雨孤眠穩  
泊舟還不惡溫酒呼漁子棘鬣活欲飛京城寧有此  
屋鳴平如屋栗峯雲髻鬢不待舟人指知是讚州山  
後帆追未及前帆勢欲騰行至潮門處帆帆影疊層

山色青糝糊波紋紫破碎殘陽光已收猶在二帆背  
家遙斷雁邊船守下碇處鄰有筑前船揚揚峭帆去  
卸得帆無恙呼來杯有情穿鞋猶帶醉大地可橫行

右舟路

為橋元吉重寫耶馬溪山水圖

沒跡紅塵十二年雪泥鴻爪已茫然心裡溪山青未了為  
君展作半縑烟

冬夜強哉至同賦

霜威收水語夜色壓燈花喜汝雙鞋道尋吾獨樹家詩思  
老益退酒味寒方加問字無多暇何辭到曉鴉

土氣浮春蟻銅餅插水仙杯盤同靜夜霜雪已殘年詩每  
落人後醉誰居我前名場甘獨退望汝著先鞭

送柘君績歸河內

北風吹雁群一雁獨南飛雖得棲宿所奈與朋侶違長思  
子孤予童齒向我依父視雖有愧子育且絳悻游息每提  
挈風霄又浴沂木國暑隨輪榛城寒執轡擇師研舊技磨  
礪導進機松菊慮流廢枌榆告言歸田廬先業在未憂寒  
與饑多暇親書卷十日九掩扉離群雖睽願同在新邦畿  
郵傳非太僻書信未應稀有才多嫉怨無恒難巫醫忠篤

行蠻貊寧憂州里譏志進而身退吾言當佩韋

君績將歸畫林莊雨霽圖贈之係以詩時己丑臘月

也

墨心黯澹寄離情好在先廬想穆清雨足山田春未及一  
林晨影讀書聲

題鶴

蘆荻託棲遲江湖垂羽翼平生萬里心鳥雁渠何識

除日

紛紛帳簿婦當家殘歲真如赴壑蛇不問計餘餘幾許眼

前有酒有梅花

山陽遺稿卷之四 畢

010190524677

48-13302

